



故宮珍本叢刊

學海君道部

第七冊 共九冊

故宮博物院編 海南出版社

故宮珍本叢刊第 498 冊子部雜家類

故宮博物院編

學海君道部

第七冊（共九冊）

海南出版社

圖書在版編目(CIP)數據

故宮珍本叢刊.第492~500冊,子部.類書/故宮博物院編.-影印本.-海口:海南出版社,
2000.12

本輯包括:學海君道部/(明)饒伸輯

ISBN 7-80645-874-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2000)第 75627 號

故宮珍本叢刊第 498 冊

子部·類書

學海君道部

第七冊(共九冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 1 月第 1 版 2001 年 1 月第 1 次印刷

開本:787×1092 毫米 1/16 印張:23.5 印數:1-400 冊

ISBN 7-80645-874-3/Z·41

定價:5240 元(子部類書 33 種共 33 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

海國道部卷之一百五十六

創業類

閏位偏霸十三

五季篇二

李克用據晉陽軍

太祖姓李名克用沙陀人父國昌為振武節度使詳世系克用初為沙

陀副兵馬使戍蔚州舊史五代史俱云少為雲中守捉史

僖宗乾符五年戊戌春正月大同軍亂殺防禦史段文楚推李克用為

留後

時河南盜賊竄起雲中沙陀兵馬使李盡忠與牙帳康君立薛志

勤程懷信李存璋等謀曰今天下大亂朝廷號令不復行于四方

閏位偏霸

卷十三

一

此乃英雄立功名富貴之秋也吾屬雖各擁兵眾然李振武功大

官高名聞天下

李國昌為振武軍節度使克用之父也詳世系

其子勇冠諸軍若輔以

舉事代北不足平也眾以為然會代北荐飢漕運不繼大同防禦

使段文楚頗減軍士衣米又用法稍峻軍士怨怒盡忠遣君立潛

詣蔚州說克用起兵除文楚而代之克用曰吾父在振武俟我稟

之君立曰今機事已泄緩則生變何暇千里稟命乎干之盡忠夜

帥牙兵攻牙城執文楚等繫獄自知軍州事遣召克用克用帥其

眾趣雲州行收兵二月克用至大同城下眾且禹人也于闐難臺

下盡忠遣使將符印請克用為防禦留後械文楚等至克用令軍

士四而食之克用遂入府舍視事令將士表求救命朝廷不許李

國昌上言請速除大同防禦使若克用違命臣請帥本部兵討之

終不愛一子以負國家朝廷方欲使國昌諭克用會得其奏乃以
支詳為大同宣諭使詔國昌詣克用令迎候如常儀除克用官必
令稱愜又以盧簡方為大同防禦使

夏四月以李國昌為大同節度使國昌不奉詔

朝廷以克用據雲中復以簡方為振武節度使徙國昌大同節度

使以為克用必無以拒也國昌欲父子並據兩鎮得大同制書毀

之殺監軍不受代與克用合兵陷遼虜軍在洪谷東赴亦日遼虜軍進擊靈武

及岢嵐軍靈武軍在綏州西岢嵐軍在嵐州東盧簡方赴振武至嵐州而卒是時朝

李國昌以父臨子必無以拒故徙國昌為大同節度而以盧簡方

鎮振武國昌父子竟不受命故簡方不得赴鎮而死於嵐州國昌

亦未嘗赴大同也國昌父子合雲朔之兵東河東節度使寶幹發

民墾晉陽而以都押牙康傳圭為代州刺史又發土團千人赴代

閏位偏霸

卷十三

二

州土團求優賞作亂泚借商人錢以助軍乃定朝廷以泚為不才

復以曹翔代之六月沙陀焚唐林岢嵐縣縣屬代州入忻州境秋七月曹

翔至晉陽殺土團之作亂者十數人發義成忠武昭義河陽兵會

于晉陽以禦沙陀八月翔引兵救忻州沙陀攻岢嵐軍陷其羅城

敗官軍于洪谷在岢嵐軍南晉陽閉門拒守九月曹翔暴卒

冬十月河東昭義合兵討沙陀大敗

十月詔昭義李鈞幽州李可舉與吐谷渾酋長赫連鐸白義誠沙

陀酋長安慶薩葛酋長米海萬合兵討國昌父子於蔚州十一月

岢嵐軍翻城應沙陀朝廷以崔季康為河東節度代北招討使沙

陀攻石州崔季康救之十二月季康及李鈞與克用戰於洪谷兩

鎮兵敗鈞戰死昭義兵還掠代州代州民殺之殆盡五代史曰李國昌為振武

節度使功強懷德宗患之徙國昌雲州刺史大同防禦使國昌
疾拒命克用乃殺大同防禦使文建懷雲州自稱留後唐以盧
方為懷武節度使會幽并兵討之簡方行至鳳州軍潰由是沙陀
使掠代北為邊患矣明年僖宗即位以謂前太原節度李業遇沙
陀有恩而業已死乃以其子鈞為懷武節度使宣慰六州三部
使以招輯之拜克用大同軍防禦使居久之國昌出擊黨項江
赫連鐸破振武克用聞之自雲州往迎國昌而雲州人亦開關
拒之國昌父子無所歸因掠蔚朔間得兵三千國昌入保蔚州克
用還拒新城僖宗乃拜鐸大同軍使以李鈞為代北招討使以討
沙陀乾符五年沙陀破遮虜軍又破岢嵐軍而唐兵數敗沙陀由
此益熾北據蔚朔南侵忻代嵐石至于太谷焉

劉氏曰沙陀何李國昌也曷為不書姓名拒命也故狄之自是
則書沙陀

六年己春正月河東軍亂

正月河東軍亂殺崔季康朝廷以李侃代之侃至河東稱疾徵詣
京師復以李蔚代之十月蔚病卒又以康傳圭為河東節度使傳

閩位偏霸

卷十三

三

圭自代州赴晉陽討殺張鎰郭肅

以其先李蔚卒張郭署狀點
爾後李邵而推進少尹丁球

廣明元年庚子春正月沙陀寇忻代逼晉陽河東軍亂殺節度使康傳

圭

正月沙陀入鴈門關寇忻州二月庚戌沙陀一萬餘人逼晉陽辛

亥陷太谷縣屬晉陽康傳圭遣蘇弘軫擊之至秦城遇沙陀戰不利而

還傳圭怒時沙陀已還代北傳圭遣張彥球將兵追之至百井在

太原陽曲縣軍變還趨晉陽傳圭尋為亂兵所殺朝廷以宰相鄭四月

朝廷以李琢為蔚朔節度使仍充都統五月琢將兵萬人屯代州

與盧龍李可舉吐谷渾都督赫連鐸共討沙陀克用遣大將高文

集守朔州自將其眾拒可舉於雄武軍鐸遣人說文集歸國文集

執克用將傳文達與沙陀酋長李友金克用之族父也薩葛都督來海萬

安慶都督史敬存皆降於琢開門迎官軍

秋七月李可舉討李克用大破之李琢討李國昌克用亡走達靼

李克用自雄武軍引兵還擊高文集於朔州李可舉遣行軍司馬

韓玄紹邀之於藥兒嶺在雄武大破之殺七千餘人李盡忠程懷

信皆死盡忠懷信與克用同起兵於蔚州者也又敗之於雄武軍之境殺萬人李琢

赫連鐸進攻蔚州國昌戰敗部眾皆潰獨與克用及宗族北入達

靼朝廷以鐸為雲州刺史白義成蔚州米萬海朔州俱刺史達靼本赫鶻之別部也居於陰山

後數月赫連鐸陰賂達靼使取之子克用知之時與其豪帥遊獵

置馬鞭木葉或懸針射之無不中豪帥心服又置酒與飲酒酣言

曰吾得罪天子願効忠而不得今聞黃巢北來必為中原患天子

若赦吾輩得與公輩南向共立大功不亦快乎人生幾何誰能老

閩位偏霸

卷十三

四

死沙磧耶達靼知無留意乃止

劉氏曰國昌父子前狄之書沙陀矣此書姓名何二李有功或

破其子或敗其父不可以不知別也故姓名之

冬十二月黃巢入長安帝走興元

中和元年辛丑春三月赦李克用遣李友金召之

三月代北監軍使陳景思帥李友金及薩葛安慶吐谷渾諸部入

援京師行至絳州將濟河刺史瞿頑亦沙陀也謂景思曰賊勢方

盛未可輕進不若且還代北募兵遂與景思俱還代州募兵踰旬

得三萬人皆北方雜胡屯于崞西獮得暴橫頑與友金不能制友

金乃說景思曰今雖有眾數萬苟無威望之將以統之終無成功

吾兄司徒父子勇略過人為眾所服驃騎誠奏天子赦其罪召以

為帥則代北之人一麾響應賊不足平也景思泰之詔如所請友金以五百騎迎之李克用帥達靼諸部萬人赴之

夏六月李克用陷忻代州

李克用牒河東稱奉詔將兵討黃巢令具恒遼鄭從讜閉城設備而竊給之克用累日不發縱沙陀剽掠城中大駭尋引兵還陷忻代留居代州

二年壬寅春二月李克用寇蔚州

劉氏曰前書赦克用召之矣此其書寇何既陷忻代復寇蔚州是賊而已矣

冬十一月李克用將沙陀趣河中十二月以克用為鴈門節度使

黃巢兵勢尚彊河中王重榮患之謀於都監楊復光復光曰鴈門

閏位偏霸

卷十五

五

李僕射驍勇有強兵其家尊與吾先人嘗共事相善彼亦有狗國之志所以不至者以與河東結隙耳誠以朝旨諭鄭公而召之必來來則賊不足平矣時王鐸在河中乃以墨敕召克用諭鄭從讜十一月李克用遂將沙陀萬七千人自嵐石路趣河中不敢入太原境獨以數百騎過晉陽城下別從讜從讜厚贈之十二月詔復以克用為鴈門節度使克用將兵四萬至河中遣從父弟克脩先將兵五百濟河嘗賊自高潯之敗諸軍皆畏賊莫敢進及克用軍至賊憚之曰鷁兒軍至矣當避其鋒克用皆衣黑故謂之鷁軍巢乃遣使賞詔書歸其使者引兵自夏陽渡河軍于同州

劉氏曰前書寇罪之也此書將沙陀趣河中予之也

三年癸卯春正月李克用敗賊將黃揆于沙苑王鐸以克用為東北面

行營都統三月克用圍華州

正月李克用將李存真敗賊將黃揆于沙苑揆巢之弟也克用進屯沙苑王鐸承制以克用為東北面行營都統二月克用進軍乾院與

河中易定忠武軍合賊將尚讓等將十五萬眾屯于梁山陂明日大戰自午至晡賊大敗俘斬數萬伏尸三十里巢將王蟠黃揆襲據華州克用進軍圍之揆等嬰城固守克用分騎屯渭北巢兵數敗食復盡陰為遁計發兵三萬檢藍田道遣尚讓救華州克用及王重榮引兵逆戰于零口破之克用進軍渭橋騎軍在渭北克用每夜令其將薛志勤康君立潛入長安燔積聚斬虜而還賊中大驚三月拔華州黃揆棄城走時以朱全忠為宣武汴州節度使俟克復長安令赴鎮

閏位偏霸

卷十五

六

夏五月李克用破黃巢收復長安

李克用與忠武將龐從河中將白志遷等引兵先進與黃巢軍戰于渭南一日三戰皆捷義成義武等諸軍繼之賊眾大奔克用等入京師黃巢焚宮室遁去多遺珍寶于路官軍爭取之不急追賊遂逸去克用時年二十八於諸將最少而兵勢最強破巢復長安功第一諸將皆畏之克用一目微眇時人謂之獨眼龍

尹氏曰克用前此有叛國之罪朝廷與兵不能誅討既乃赦而用之遂能破賊成功是時諸道兵四集而克復之功乃在沙陀綱目樂與人為善初無終絕之理故大書破黃巢復長安以序其績克用自此始得為全人矣豈不休哉

劉氏曰書予之也克用收復京城功在第一使國昌不拒大同

之命克用不為所代之寇則今日之功光明俊偉矣綱目大書其功予之也亦惜之也

冬十月李克用取潞州

昭義節度使孟方立以潞州地險人勁屢篡主帥欲遷治所於邢州潞人不悅潛乞師於克用克用遣其弟克脩擊之取潞州方立走山東以邢磁洛三州自別為昭義軍昭義軍在唐時跨山東西用孟氏據邢洛磁故當時有兩昭義是後克用每歲出兵爭山東三州之人半為俘馘野無稼穡矣

四年甲辰夏四月李克用會許汴徐兗之軍于陳州黃巢退走

初黃巢南走至蔡州秦宗權降之合軍攻陳州甲辰正月許州周岌徐州時溥汴州朱全忠以賊兵尚強不能支共求救于李克用

閏位偏霸

卷十三

七

二月克用將蕃漢兵五萬出天井關河陽諸葛爽辭以河橋不全屯兵萬善以拒之克用乃還兵自陝河中渡河而東三月會許兗徐汴之軍于陳州四月敗尚讓于太康又敗黃思鄴于西華巢聞之懼解圍去

五月黃巢趣汴州李克用等追擊大破之

黃巢引兵東北趣汴州朱全忠復告急李克用克用與忠武都監使田從異發許州追及巢于中牟北王滿渡乘其半濟奮擊大破之殺萬餘人賊遂潰尚讓帥其眾降巢踰汴而北克用追擊之于封丘又破之夜復大雨賊驚懼東走克用追之過胙城匡城巢收餘眾僅千餘人東奔兗州克用追至冤句騎能屬者纔數百人晝夜行二百餘里人馬疲乏糧盡乃還汴州欲募糧復追之獲巢勿

子及乘輿器服符印所得掠男女萬人悉縱遣之

李克用至汴州朱全忠襲之克用走還

李克用還過汴州休軍封禪寺朱全忠館于上源驛夜將圍之克用踰城而免比明克用至營欲勒兵攻全忠克用妻劉氏止之克用從之引兵去但移書責全忠全忠復書曰前夕之變僕實不知朝廷自遣將與楊彥洪為謀彥洪既伏其辜惟公亮察克用至許州故寨求糧于周岌及辭以糧乏乃自陝濟河還晉陽秋七月李克用表乞討朱全忠詔諭解之

李克用至晉陽大治甲兵遣榆次鎮將李承嗣奉表詣行在自陳有破黃巢大功為朱全忠所圖僅能身免將佐以下從行者三百餘人并牌印皆沒不返全忠仍勝東都陝孟云臣已死行營兵潰

閏位偏霸

卷十三

八

今所在遮遮屠剪勿令漏失將士皆號泣訴冤請復仇讎臣以朝廷至公當俟詔命拊循抑止復歸本道乞遣使按問發兵誅討臣遣弟克勤將萬騎在河中俟命朝廷以大寇初平方務姑息得克用表大恐但遣中使賜優詔和解之克用前後凡八表稱全忠妬功疾能陰狡禍賊異日必為國患惟乞下詔削其官爵臣自帥本道兵討之不用度支糧餉天子累遣楊復恭諭指稱吾深知卿冤方事之殷姑存大體克用終鬱鬱不平時藩鎮相攻者朝廷不復為之辨曲直由是互相吞噬惟力是視皆無所稟畏矣

胡氏曰克用固全忠所忌也然親救其危困全忠雖欲圖之必未敢發其固請入城特欲示殷勤由爾而克用不謹於禮激全忠禍賊之心而召其兵全忠豈為得乎得免

之後宜以書與全忠引咎修好勸以勤王則善矣乃不省已失力校犯者擊兵至死志不克用惜哉

尹氏曰克用有破黃巢復長安之功而全忠無故襲之其罪大矣然克用不自謹重乃以輕佻取辱幾不能免故特書走還以賤之亦所以分其罪也

范氏曰天子所以制御天下者賞罰惡辨是非枉直使人各當其所物各安其分而不相陵暴也克用有復唐室之大功而全忠輒欲殺之克用不敢專兵復讎而赴訴於朝廷是諸侯猶有尊王室之心也為天子詰其就是孰非使征伐號令出於天子則誅一鎮而天下不敢不從矣僖宗則不然知其直者而不恤置其不直者而不問不惟全忠無所忌憚而克用心亦不

閭位偏霸

卷十三

九

服欲兩存之乃兩失之自是而後藩鎮自相攻伐不復稟命於天子不足訴也

尹氏曰前書全忠襲克用則其曲固有在矣至是書克用乞討全忠言討則罪在全忠言乞則見克用不敢專兵之意唐朝至是蓋亦分別曲直使之各得其所可也兩置不問果何為者故綱目但書詔諭解之以見當時臧否不分之失爾自是而後諸鎮交攻無所稟畏唐室亦未如之何也已果誰之咎哉

八月以李克修為昭義節度使

克用奏請割麟州隸河東又奏請以其弟克修鎮潞由是昭義分為二鎮

進李克用爵為隴西郡王

光啓二年乙卯春三月車駕至京師夏四月李可舉王鎔寇易定王處存討破之

盧龍李可舉成德王鎔惡李克用之強而義武王處存與克用親善又河北諸鎮惟義武尚屬朝廷可舉等恐其窺伺山東終為已患乃相謀曰易定燕趙之餘也約共滅處存而分其地又說雲中赫連鐸使攻克用之背可舉遣將李全忠攻易州鎔遣將攻無極處存告急于克用克用遣康君立等將兵救之五月盧龍兵攻易州克之克用自將救無極敗成德兵成德兵退保新城克用復進擊大破之拔新城成德兵走追至九門斬首萬餘級王處存復取易州李全忠走還襲幽州可舉自殺

冬十月田令孜遣朱玫李昌符攻河中李克用救之十二月進逼京

閭位偏

卷十三

十

城帝奔鳳翔

是時河中王重榮與宦者田令孜有隙徙重榮鎮兗州以處存為河中節度使仍詔李克用以兵護處存之鎮重榮使人給克用曰天子詔重榮俟克用至與處存共誅之因偽為詔書示克用曰此朱全忠之謀也克用信之重榮既不肯徙累表論令孜離間君臣數令孜十罪令孜結邠州朱玢鳳翔李昌符以抗王處存亦上言幽鎮兵新退臣未敢離易定且王重榮無罪有大功于國不宜輕有改易播藩鎮心詔趣其上道八月處存引軍至普州刺史冀君武不納而還十月王重榮求救于克用克用方怨朝廷不罪朱全忠選兵市馬聚結諸胡議攻汴州報曰待吾先滅全忠還掃鼠輩如秋葉耳重榮曰待公自關東還吾為虜矣不若先除君側之惡

退擒全忠易矣時朱玫李昌符亦陰附于朱全忠克用乃上言
昌符與全忠相表裏欲共滅臣臣不得不自救已集蕃漢兵十五
萬決以來年濟河自渭北討二鎮不近京城保無驚擾既誅二鎮
乃旋師滅全忠以雪讎恥天子遣使者諭釋冠蓋相望朱玫欲朝
廷討克用數遣人潛入京城燒積聚或刺殺近侍聲云克用所為
於是京師震恐日有訛言令玫遣玫昌符將本軍及神策郾延靈
夏等軍合三萬人屯沙苑以討王重榮重榮發兵拒之告急于克
用克用引兵赴之十一月克用兵至與重榮俱壁沙苑表請誅令
玫玫昌符詔和解之克用不聽十二月合戰玫昌符大敗各走還
本鎮玫還邠州昌符還鳳翔克用進逼京城令玫奉天子出幸鳳翔

尹氏曰征伐自天子出使河中果有罪宦者豈得攻之故書攻

開位偏霸

卷十一

十一

河中克用救之則見曲在令玫至書進逼京城上奔鳳翔則克
用之罪始不可追矣

二年丙午春正月田令孜却帝如寶雞二月至興元

正月李克用還軍河中與王重榮同表請大駕還宮因罪狀田令
孜請誅之時田令孜弄權再致播遷天下共忿疾之朱玫李昌符
亦恥為之用且憚克用重榮之強更與之合乃反以兵追迫天子
不及得襄王熈與之俱還鳳翔天子幸蜀克用還太原二月王重
榮朱玫李昌符復上表請誅田令孜三月車駕至興元

夏四月朱玫以襄王熈入京師權監軍國事

朱玫逼鳳翔百官奉襄王熈權監軍國事玫奉熈還京師田令孜
懼罪自為西川監軍往依陳敬瑄

六月詔罷鄆都將楊守亮與王重榮李克用共討朱玫

初李昌符與朱玫謀立襄王旣而玫自為宰相專權李昌符怒不
受其官更通表與元上以杜讓能言使使往諭王重榮重榮表請
討玫以自贖襄王熈遣使者至晉陽賜克用詔言上至半塗二軍
變擾倉黃熈駕為藩鎮所推今已受冊朱玫亦與克用書克用
聞其謀皆出于玫大怒大將蓋寓說克用曰鑾輿播遷天下皆歸
咎于我今不誅玫黜李熈無以自澍洗克用從之燭詔書因使者
移檄隣道稱玫敢欺藩方明言晏駕當遣已發蕃漢兵進討凶逆
當共立大功六月克用遣使奉表稱方發兵濟河除凶黨迎車駕
願詔諸道與臣協力先是山南之人皆言克用與朱玫合人情恟
懼表至上出示從容并諭山南諸鎮由是帖然克用表猶以朱全

開位偏霸

卷十一

十一

忠為言上使楊復恭以書諭之云俟三輔事寧別有進止克用陽諾而不

行九月李克用遣李克脩攻孟方立于邢州擒其將呂璩于焦岡
拔故鎮武安臨洛邯鄲沙河以大將安金俊為邢州刺史以撫降
人冬十月進攻邢州不克

冬十二月王行瑜還長安斬朱玫熈奔河中王重榮殺之

三年丁未春二月代北節度使李國昌卒

三月車駕至鳳翔夏六月河中軍亂殺節度使王重榮詔以王重盈
代之

文德元年

戊申春二月帝至長安三月帝崩太弟即位是為昭宗夏四月李

克用遣兵攻河陽朱全忠救却之

二月帝至長安河陽李罕之攻晉州王重盈密結河南尹張全義

以圖之全義乘虛襲河陽罕之奔澤州求救于克用三月僖宗崩
昭宗即位克用以其將康君立爲南面招討使督李存孝五將騎
七千助李罕之攻河陽金義求救于汴四月朱全忠遣丁會等將
兵救之戰于溫存孝軍敗君立懼引兵還李罕之留其子順事克
用身還澤州十月孟方立遣奚忠信將兵襲遼州李克修邀擊之
昭宗龍紀元年巳酉夏六月李克用拔磁洛殺孟方立

五月李克用大發兵遣李罕之李存孝攻孟方立六月拔磁洛二
州方立遣將馬溉袁奉韜將兵數萬拒之戰于琉璃陂方立兵大
敗二將皆爲所擒克用乘勝進攻邢州方立慙懼飲藥死衆以其
弟遷爲留後求援于汴朱全忠遣其大將王虔裕將兵數百赴之
大順元年庚戌春正月李克用拔邢州二月李克用攻雲州

閏位偏霸

卷十三

十一

正月李克用急攻邢州孟遷食竭力盡執王虔裕及汴兵以降克
用以安金俊爲邢洛團練使二月克用將兵攻雲州克其東城赫
鐸求救于盧龍李匡威匡威將兵三萬赴之安金俊中流矢死萬
勝軍使申信叛降于鐸會幽州軍至克用引還時溥求救于克用
遣石君和將五百騎赴之怒昭義節度李克修而管之克修以憂
卒克用表其弟克恭代之

夏四月詔削奪李克用官爵屬籍以張濬爲招討制置使會諸道兵
討之

赫連鐸李匡威請討李克用朱全忠上言克用終爲國患臣請與
河北三鎮共除之乞朝廷命大臣爲統帥初張濬因楊復恭以進

復恭中廢更附田令孜而薄復恭復恭深恨之上知濬與復恭有
隙特親倚之濬亦以功名爲已任自比謝安裴度克用潛其爲人
聞其作相私謂詔使曰張公好虛談而無實用傾覆之士也主上
采其名而用之他日交亂天下必是人也濬聞銜之上從容與濬
論當今所急對曰莫若強兵以服天下上於是募兵京師至十萬
人及全忠請討克用上命群臣議之以爲不可者什六七濬欲倚
外勢以濟復恭乃曰先帝再幸山南沙陀所爲也臣常慮其與河
朔相表裏致朝廷不能制今兩河藩鎮共請討之此千載一時也
但乞陛下付臣兵柄旬月可平復恭曰先朝播遷雖藩鎮跋扈亦
由居中之臣措置未得其宜今宗廟甫安不宜更造兵端上曰克
用有興復大功今乘其危而攻之天下其謂我何孔緯曰陛下所

閏位偏霸

卷十三

十二

言一時之體也張濬所言萬世之利也上以二相言協龜俛從之
曰茲事付卿二人無貽朕羞乃以濬爲都招討制置使孫揆副之
濬奏給事中牛徽爲判官徽曰國家喪亂之餘橫挑強寇吾見其
顛沛也以衰疾固辭

尹氏曰書削奪李克用官爵會兵討之其名甚正然考之當時
克用未見可誅之罪則朝廷是舉爲無名之師爾師既無名猶
書討者所以存朝廷之體也若張濬以宰臣而爲制將則其爲
主謀之人明矣他日債軍而敗又誰咎哉

昭義軍亂殺留後李克恭朱全忠取潞州李克用遣兵圍之詔以孫
揆領昭義軍節度使

初李克用巡潞州以供具不厚怒節度使李克修詬而管之克修

慚憤成疾卒克用表其弟克恭為留後克恭驕恣不曉軍事路人素樂克修簡儉以其死非罪憐之昭義有精兵號後院將克用將圖河朔令克恭選五百人送晉陽克恭遣其將馮霸部送至銅鞮霸劫其眾以叛牙將安居受帥其黨作亂克恭自焚死霸引兵入潞曰為留後朱全忠遣河陽留後朱崇節將兵入潞州克用遣康君立李存孝將兵圍之詔以孫揆領昭義節度使

秋八月李克用執招討副使孫揆以歸殺之

七月官軍至陰地關朱全忠遣驍將葛從周將千騎潛自壺關夜抵潞州犯圍入城又遣別將攻李罕之於澤州奏請遣孫揆赴鎮張濬亦恐昭義遂為汴人所據使揆將兵二千趣潞州八月發晉州李存孝聞之以三百騎伏於長子西谷中擒揆及中使韓歸範

閏位偏霸

卷十三

五

獻於李克用克用欲以揆為河東副使揆曰吾天子大臣兵敗而死分也豈能復事鎮使耶克用怒命鋸之

尹氏曰孫揆死節而不書其死節克用拒命而不書其拒命則亦以朝廷是舉出於無名其屈在我故也然則克用遂無罪乎

既書執招討副使又書以歸殺之尚何待於貶絕而後見其

九月朱全忠遣兵圍澤州李克用養子存孝與戰破之復取潞州

罕之告急于李克用九月克用復遣存孝將五千騎救之汴將鄧

季筠亦騎將也引兵出戰存孝生擒之餘眾遁去存孝隨而擊之

至馬牢山大破之斬獲萬計追至懷州而還存孝復引兵攻潞州

葛從周朱崇節棄潞州歸朱全忠時軍河陽亦引還克用以康君

立為昭義留後存孝為汾州刺史存孝以不得昭義始有叛志

李匡威攻蔚州李克用養子嗣源擊走之

李匡威攻蔚州虜其刺史邢善益赫連鐸引吐蕃監戛斯眾數萬攻遮虜軍殺其軍使劉胡子李克用遣李存信擊之不勝更命李嗣源為存信之副遂破之克用以大軍繼其後匡威鐸皆敗走獲匡威之子仁宗及鐸之壻俘斬萬計

冬十月李克用遣兵拒官軍於趙城官軍潰張濬韓建遁還

官軍出陰地關遊兵至于汾州李克用遣薛志勤李承嗣將騎三千營于洪洞縣屬晉州李存孝將兵五千營于趙城鎮國節度使韓建以壯士三百夜襲存孝營存孝知之設伏以待之建兵不利諸軍皆潰存孝追擊直壓晉州西門張濬出戰又敗自是閉壁拒守不敢復出存孝引兵攻絳州刺史張行恭棄城走十一月存孝進攻

閏位偏霸

卷十三

六

晉州三日與其眾謀曰張濬宰相俘之無益天子禁兵不宜加害乃退五十里而軍濬建自合口遁去存孝取晉絳二州大掠慈隰之境先是克用遣韓歸範歸朝附表訟冤言臣父子三代受恩四朝破麗勛翦黃巢黜襄王存易定致陛下今日冠通天之冠佩白玉之璽未必非臣之力也若以攻雲州為臣罪則拓跋思恭之取鄜延朱全忠之侵徐鄆何獨不討賞彼誅此臣豈無辭且朝廷當貼危之時則譽臣為韓彭伊呂及既安之後則罵臣為戎羯胡夷今天下握兵立功之臣獨不懼陛下他日之罵乎况臣果有大罪六師征之自有典刑何必幸臣之弱而後取之耶今張濬既出師則固難束手已集番漢兵五十萬欲直抵蒲潼與濬格鬪若其不勝甘從削奪不然方且輕騎叩關頓首丹陛訴奸回於陛下之宸

座納制敕於先帝之廟庭然後自拘司敗恭俟缺質表至濬已敗朝廷震恐濬與韓建踰王屋至河陽喪師而歸

尹氏曰書遣兵拒官軍則見不敢盡銳之意書官軍潰則見官軍自潰之意書濬建遁則見二人逃竄幸免之意夫以藩鎮跋扈所宜誅討亦必有詞可執而後可昭宗當削弱之時聽謀不審一舉敗衄張濬輕保小人淺謀誤國唐祚自是益微以至滅亡綱目權其輕重書之于冊其是否得失瞭然可考矣

二年辛卯春正月貶孔緯張濬遼州刺史復李克用官爵

二月李克用復遣使上表曰張濬以陛下萬代之業邀自己一時之功知臣與朱溫深讎私相連結臣全身無官爵名是罪人不敢歸陛下藩方且欲于河中寄寓進退行止伏俟指揮克用此表揚復恭密教之

閏位偏霸

卷十三

七

也詔貶張濬等官賜克用詔悉復其官爵使歸晉陽

二月加李克用中書令貶張濬為繡州司戶

張濬奔華州依韓建與孔緯密求援于朱全忠全忠表訟其免朝廷不得已並聽自便

范氏曰李克用有復唐社稷之功朱全忠欲殺之而朝廷不從全忠與諸鎮請討克用則遽從之有功者見討有罪者不誅昭宗所以失政而海內愈亂者張濬為此役也唐之將亡譬如人有必死之疾使和扁救之未必能起也而庸醫乃妄藥以攻之所攻非疾所疾不攻豈不速其死乎

秋七月李克用攻雲州克之

四月李克用大舉擊赫連鐸敗其兵于河上進圍雲州七月鐸食

奔吐谷渾既而歸于幽州克用表石友善為大同防禦使八月克用南巡澤潞遂涉懷孟之境

冬十月李克用攻王鎔大破之拔臨城

李克用攻王鎔大破鎮兵於龍

尾岡斬獲萬計遂拔臨城攻元氏柏鄉李匡威引幽州兵救之克用大掠而還軍于邢州

景福元年壬子春二月王鎔李匡威攻堯山李克用遣兵擊破之三月李克用王處存攻王鎔鎔擊敗之

正月王鎔李匡威合兵十餘萬攻堯山李克用遣李嗣勳擊之大破幽鎮兵斬獲三萬三月克用王處存合兵攻王鎔拔天長鎮戰于新市為鎔所敗克用退屯潞城詔和解河東及鎮定幽四鎮四

閏位偏霸

卷十三

七

月李匡威出兵侵雲代克用始引兵還自鎮州八月克用北巡至

天寧軍代州西有聞李匡威赫連鐸將兵入萬寇雲州遣將李君

慶發兵于晉陽克用潛入新城伏兵于神堆神堆在雲州城南有新城又在神堆東南

擒吐谷渾邏騎三百匡威等大驚丙申君慶以大軍至克用遷入

雲州丁酉出擊匡威等大破之匡威等燒營而遁追至天成軍州

東北有天成軍斬獲不可勝計十月李存孝以邢州叛歸于朝潛結汴鎮

上表欲會兵以討克用詔以存孝為節度使不許會兵

二年癸卯春正月李克用擊王鎔李匡威救之克用還攻邢州

二月李克用引兵圍邢州王鎔遣牙將王藏海致書解之克用怒斬藏海進兵擊鎔敗鎮兵于平山辛巳攻天長鎮旬日不下鎔出

兵三萬救之克用逆戰于叱日嶺大破之斬首萬餘級餘眾潰去

河東軍無食脯其尸而啖之克用進下井陘李存孝將兵救三陟遂入鎮州與鎔計事鎔又乞師于朱全忠全忠方討潯州攻不能救但遣克用書言鄴下有十萬精兵抑而未進克用復書言儻實屯軍鄴下願望降臨必欲真決雌雄願角逐于常山之尾甲午李匡威引兵救鎔敗河東兵于元氏克用引還邳州匡威爲其弟匡籌所逐奔鎮州鎮人殺之幽州將劉仁恭攻匡籌不克奔河東克用厚待之

秋七月王鎔救邢州李克用敗之復與連和

王鎔遣兵救邢州李克用敗之于平山進擊鎮州鎔懼請以兵糧二十萬助攻邢州克用許之克用治兵于灤城合鎔兵三萬進屯任縣李存信屯琉璃陂

開位偏霸 卷十三

九

九月李克用攻邢州

李克用自引兵攻邢州掘壘築壘環之存孝時出突擊壘不能成河東牙將秦奉韜使人謂存孝曰大王惟俟壘成即歸晉陽諸將非尚書敵也存孝以爲然按兵不出旬日壘壘成飛走不能起存孝由是遂窮

乾寧元年甲寅春二月李克用克邢州殺李存孝

三月邢州城中食盡李存孝出見李克用囚以歸晉陽車裂以徇存孝驍將也諸將莫爲之請又薛阿檀自殺自是克用兵勢漸弱而朱全忠獨盛矣克用表馬師素爲邢洛節度使

夏六月李克用大破吐谷渾殺赫連鐸

克用大破吐谷渾殺雲州處置赫連鐸生禽曰義誠以薛志勤守

雲中

冬十二月李克用攻幽州克之

十月劉仁恭數因蓋寓來于李克用願得兵萬人取幽州克用方攻邢州分兵數千欲納仁恭于幽州不克李匡籌益驕救復河東之境克用怒十一月大舉兵攻匡籌拔武州進圍新州十二月匡籌遣將將步騎數萬救新州克用選精兵逆戰于段莊大破之斬首萬餘級生擒將校三百人以練新之狗于城下是夕新州降進攻薊州匡籌復發兵出居庸關克用使精騎當其前以疲之遣步將李存審自它道出其背夾擊之幽州兵大敗殺獲萬計匡籌奔滄州爲盧彥威所殺克用進軍幽州其大將請降

開位偏霸 卷十三

三

正月幽州軍民數萬以麾蓋歌鼓迎李克用入府舍克用命符存審劉仁恭將兵賂定延屬幽涿瀛莫爲節度屬管平新武等州皆盧龍屬也二月克用表仁恭爲盧龍留後留兵戍之克用還晉陽

夏五月王行瑜李茂貞韓建舉兵犯闕六月李克用舉兵討三鎮秋七月王行約李繼鵬作亂帝如石門鎮

正月河中王重盈卒軍中請以重榮子珂知留後重盈之子珙及瑤舉兵擊珂表言珂非王氏子珂上表自陳且求援於李克用上遣中使諭解之珂克用壻也克用表重榮有功于國請賜其子珂節鉞王珙厚結郃寧王行瑜鳳翔李茂貞華州韓建三帥更上表稱珂非王氏子請以珂爲陝州珙爲河中上報曰先已允克用之奏矣三帥恥之行瑜建又以所求不得怨朔廷五月珙使人諭三

閩位備霸

卷十三

圭

帥曰珂不受代而與河東婚姻必為諸公不利請討之行瑜使其弟匡國節度行約攻河中珂求救于克用行瑜乃與茂貞建寧將精兵入朝殺宰相李谿等及宦官數人又言王珂王珙嫡庶不分請除王珙河中徙王行約于陝王珂于同州朝廷皆許之克用聞三鎮犯關即日遣使十三輩發北部兵期以來月渡河入關始三帥謀廢天子立吉王保至是聞克用已起兵于河東行瑜茂貞各留兵三千宿衛京師與建寧皆還鎮六月克用大舉蕃漢兵南下上表稱王行瑜李茂貞韓建稱兵犯關賊害大臣請討之又移檄三鎮數其罪行瑜等大懼克用軍至絳州刺史王瑤閉城拒之克用進攻旬日拔之斬瑤于軍門殺城中違拒者千餘人瑤弟助七月克用至河中王珂迎謁于路匡國節度王行約敗于朝邑遂

桑同州走弟行實時為左軍指揮使奏請幸邠州樞密使路全驩請幸鳳州上曰克用已駐軍河中就使至此朕自有以枝梧卿等但各撫本軍勿令搖動右軍指揮使李繼鵬茂貞假子也謀劫上幸鳳翔中尉劉景宣與王行實知之欲劫上幸邠州向晚王行約引左軍攻右軍鼓譟震地上聞亂登承天樓繼鵬縱火焚宮門或傳行瑜茂貞欲自來迎軍駕上懼為所迫出幸石頭鎮克用遣判官王瓌奉表問起居上遣內使郝廷昱齎詔詣克用軍令與王珂各發萬騎同赴新平以討王行瑜克用遣兵攻華州韓建登城呼曰僕於李公未嘗失禮何為見攻克用使謂之曰公為人臣逼逐天子公為有禮孰為無禮者乎會廷昱至言李茂貞將兵三萬至盤屋王行瑜將兵至興平皆欲迎軍駕克用乃釋華州之圍移兵

閩位備霸

卷十三

圭

營渭橋以李存貞為前鋒拔承壽又遣史儼將三千騎詣石門營衛遣李存信存審會保大節度李思孝攻王行瑜於梨園地方北擒其將王令陶等獻于行在李茂貞懼斬李繼鵬傳首行在上表請罪且遣使求和于克用復遣延王戒丕丹王允諭克用令且赦茂貞并力討王行瑜俟其珍平當更與卿議之且令二王拜克用為兄

制削奪王行瑜官爵以李克用為招討使討之車駕還京師削奪王行瑜官爵以李克用為邠察四面行營都招討使克用遣其子存勗詣行在表請還京許之令克用遣騎三千駐三橋為備禦車駕還京師以克用為行營都統九月克用急攻梨園王行瑜求救于李茂貞茂貞遣兵萬人屯龍泉鎮在邠州三水縣自將兵三萬屯咸陽之旁克用請詔茂貞歸鎮仍削奪其官爵欲分兵討之天子以前已赦宥但詔歸鎮仍令克用與之和解

冬十一月李克用克邠州王行瑜伏誅

十月李存貞敗邠寧軍于梨園北殺千餘人自是梨園閉壁不敢出李克用復令李罕之李存信急攻之梨園城中食盡守將葉城走罕之等邀擊之所殺萬餘人克梨園等三寨獲王行瑜子知進及大將李元福等克用進屯梨園王行約王行實燒寧州在邠州南去克用奏請以蘇文建為靜難節度使趣令赴鎮且理寧州招撫降人王行瑜以精甲五千守龍泉寨克用攻之李茂貞以兵五千救之營于鎮西李罕之擊鳳翔兵走之十一月拔龍泉寨行瑜走入邠州遣使請降于克用克用引兵逼邠州王行瑜登城號哭謂

克用曰行瑜無罪追脅乘輿皆李茂貞及李繼鵬所為請移兵
鳳翔行瑜願束身歸朝克用曰王尚文何恭之甚僕受詔討三賊
臣公預其一束身歸朝非僕所得專也行瑜挾族棄城走克用入
邠州封府庫撫居人令高爽權巡撫軍城奏趣蘇文建赴鎮行瑜
走至慶州境部下斬行瑜克用旋軍渭北

十二月進李克用爵晉王

李克用軍于雲陽詔拜克用忠正平難功臣進爵晉王

李克用還晉陽

李克用遣掌書記李襲古入謝恩密言于上曰比年已來關輔不
寧乘此勝勢遂取鳳翔一勞永逸時不可失臣屯軍渭北專俟進
止天子謀于貴近或曰茂貞復滅則沙陀大盛朝廷危矣乃賜克

閭位偏霸

卷十三

王

用詔褒其忠欬而言不臣之狀行瑜為甚自朕出幸以來茂貞韓
建自知其罪不忘國恩職貢相繼且當休兵息民凡奉詔而止
既而私于詔使曰觀朝廷之意似疑克用有異心也然不去茂貞
關中無安寧之日又詔免克用入朝是時晉軍渭北遇雨六十日
將佐或言今密邇關庭豈可不入見天子克用猶豫未決都押衙
蓋寓曰向者王行瑜縱兵狂悖致鑿輿播越百姓奔散今天子還
未安席人心尚危大王若引兵渡渭竊恐復驚駭都邑人臣盡忠
在於勤王不在入覲願熟圖之克用笑曰蓋寓尚不容我入朝况
天下乎乃表稱臣摠帥大軍不敢徑入朝覲且懼部落士卒侵擾
渭北居人表至京師上下始安克用遂引兵歸而李茂貞驕橫如
故河西州縣多為茂貞所據矣

胡氏曰克用於三鎮非有父兄之怨特為王室雪恥故化義而
來昭宗不明又任術數陰疑克用而黨茂貞其日困辱凶終蓋
始乎此謀矣又曰克用所與謀者蓋寓而已蓋寓於此有失
策焉當此時也正當勸克用入覲力陳茂貞不誅必為後患之
意不然將在外君令有所不受蕩清岐華駐師郊畿釋戎服以
見天子身輔朝政修明紀律使東寇不得西略王室安矣釋此
不為而區區疲力於幽州爭地於慈關遂使全忠先手遷移唐
唐祚晉陽及幾不自保此豈非初謀不遠故歟

尹氏曰前書李茂貞等犯關則見三鎮反逆之罪次書李克用
舉兵討三鎮則見克用徇國之忠矣又書克用克邠州王行瑜
伏誅則見克用討逆之績矣至是遂乃使之還鎮何耶夫三叛

閭位偏霸

卷十三

王

連衡脇制天子殺戮大臣至謀廢立罪不容誅四方征鎮未聞
有一人有勤王之舉者獨克用投劄而起舉兵赴急亦既振揚
天討功績顯著正宜乘機剪除蕩平兇逆而唐朝君臣曾無遠
畧反形疑忌之心遂使河東之旆方旋而鳳翔之勢愈熾然則
綱目何以不書詔克用還晉陽曰還鎮之舉固唐之失然是時
權在克用使其能力陳大計進兵岐隴掃除二叛一正王室豈
不甚美今乃亂根未絕泯默而去則非大臣正國之義故綱目
書之以克用自還為文者又所以譏其不知大義失於討賊者
也

卮言曰李克用起於叛夷乘時立功據有重地以圖中原固嘗
逼乘輿拒官軍矣豈真有勤王徇國之忠哉及附壻致亂因而

平之既蓋前愆又爵晉王則心已屬厭故亟歸晉陽蓄力養威以與岐汴爭衡彼豈能釋業輔政一匡王室耶即使入朝亦不知所稅駕也故謂克用優於朱溫則可而遂許以大義惜其失策非其質矣

三年^{丙辰}春閏正月李克用遣李存信將兵救兗鄆羅弘信襲之存信軍潰

兗州朱瑄鄆州朱瑾屢爲朱全忠所攻遣使告急于李克用克用遣其將史儼李承嗣假道于魏以救之丙辰正月克用復遣李存信將萬騎假道于魏以救兗鄆軍于莘縣朱全忠使人謂羅弘信曰克用志吞河朔師還之日貴道可憂存信戢衆不嚴侵暴魏人弘信怒發兵三萬夜襲之存信軍潰退保洛州儼承嗣之軍隔絕

閏位偏霸

卷五

五

不得進弘信自是與河東絕專志汴州二月朝廷復以張濬爲相克用曰此朱全忠之謀也乃上表請發兵擊全忠且言濬朝爲相臣則夕至闕庭京師震懼下詔和解之

夏六月李克用攻魏博朱全忠遣葛從周救之還擊兗鄆破之

四月李克用擊羅弘信攻洹水殺魏兵萬餘進攻魏州縱兵侵掠朱全忠遣葛從周將兵營于洹水以救之六月克用引兵擊從周其子落落爲汴人所禽克用引軍還

秋七月李茂貞舉兵犯關帝如華州

初李克用屯渭北李茂貞韓建懼之事朝廷禮甚恭克用去二鎮貢獻漸疎表章驕慢上白石門還置殿後四軍選補萬人使延王戒不等將之茂貞遂表言延王無故稱兵討臣臣今勒兵入朝請

罪上告急於河東茂貞遂引兵逼京畿羣王嗣周與戰敗績七月茂貞進兵逼京師戒不曰今關中藩鎮無可依者不若自鄆州濟幸太原上至渭北韓建奉表請幸華州不許既而上復憚遠適至富平復遣人召建面議去留建至頓首言華州兵力雖微亦足自固西距長安不遠願陛下臨之以圖興復上乃從之至華州茂貞遂入長安燔燒俱盡

八月李克用發兵入援

韓建移檄諸道令共輸資糧詣行在克用聞之歎曰去歲從余言豈有今日之患又曰韓建天下癡物爲賊臣弱帝室是不爲李茂貞所擒則爲朱全忠所虜耳因奏將與鄆道發兵入援

尹氏曰昭宗失謀再貽播越茂貞兩犯京闕逼逐乘輿是時克

閏位偏霸

卷五

五

用雖有奏請猶未出兵而綱目已書其發兵入援者予其有勤王之心也向使昭宗早從克用之言克用早伸正國之義又安有覆出之禍哉

卮言曰李克用與朱溫爭衡耳非純臣也且其表辭亦多不遜綱目分註削之而先儒遂謂綱目全予克用亦恐不然朱溫爲篡則克用爲義予克用所以深惡溫也綱目正文宣武河東皆並書之考韋固不盡予克用也朱溫之惡浮於曹操克用之義不及孫權考韋不盡予權則克用可知矣

四年^{丁未}春

丙辰九月李存信攻臨清敗葛從周於宗城北乘勝至魏州北門十月克用自將攻魏州敗魏兵于白龍潭

在魏縣西迫至觀音門魏州城西

全忠救至克用乃還丁巳正月朱全忠克充鄆李存信在魏州聞之亦引兵還史微李承嗣與朱瑾奔淮南微承嗣驍將也克用借之遣使請于楊行密行密許之行密由是與克用修好三月保義王珙攻護國王珂珂求救于克用珙求援于全忠克用遣李嗣昭敗陝兵于猗氏又敗之于張店遂解河東之圍

秋九月李克用攻幽州劉仁恭與戰敗之

初李克用取幽州劉仁恭為節度使留戍兵及腹心將千人典其機要租賦供軍之外悉輸晉陽及上幸華州克用徵兵于仁恭又遣成德王鎔書欲與之共定關中奉天子還長安仁恭辭以契丹入寇不出兵克用移書責之仁恭抵書慢罵因其使者克用大怒自將擊之九月克用至安塞軍

在蔚州東

仁恭遣其將軍可及引兵逆

圍位偏霸

卷三

三

戰克用方飲酒前鋒白賊至矣克用醉曰可及輩何足為敵亟命擊之是日大霧幽州將楊師侃伏兵于木瓜澗河東兵大敗失亡大半克用醒而後知之責諸將曰吾以醉廢事汝曹何不力爭於是仁恭奏稱克用無故稱兵見討本道大破其兵請自為統帥以討克用詔不許仁恭又遣使謝克用陳去就不自安之意克用復書略曰公仗鉞控兵理民立法擢士則欲其報德選將則望彼酬恩已尚不然人何足信僕料猜防出於骨肉慙忘生於屏帷持干將而不敢授人捧盃盤而何辭著誓

天台胡氏曰為克用計者先舉河東之甲以勤王事定之後然後移兵臨燕以問罪仁恭安所逃其死乎不知出此遽與忿兵其敗宜矣

乾化元年戊午春正月詔罷諸道兵

正月河中王珂親迎于李克用遣其將李嗣昭守河中李茂貞韓建皆致書于克用言大駕出幸累年乞修和好同獎王室乞丁匠助修宮室克用許之

夏四月朱全忠會幽州魏博兵李克用敗之拔洛邢磁州

朱全忠與劉仁恭修好會魏博兵以擊李克用四月全忠至鉅鹿城下敗河東兵萬餘人逐北至青山口

在邢州龍岡縣

遣葛從周發兵攻

拔洛州取邢磁二州全忠以從周為昭義留後守邢洛磁三州而還

并汴自此歲爭邢洛磁三州

秋八月車駕至長安遣使宣慰河東宣武

上欲藩鎮輯睦遣使賜李克用朱全忠詔又令宰相與之書使之

圍位偏霸

卷三

三

和解克用欲奉詔而恥于先自屈乃致書王鎔使通於全忠全忠不從十月克用遣李嗣昭周德威將步騎二萬出青山將復山東三州進攻邢州葛從周出戰嗣昭等兵潰會李嗣源兵至合擊之從周乃退王珙引兵寇河中王珂告急於克用克用遣嗣昭救之敗汴兵於河壁

鎮屬河中

汴人走李克用之平王行瑜也李罕之求帥

邠寧克用曰行瑜恃功邀君故吾與公討而誅之昨破賊之目吾首奏趣蘇文建赴鎮今遠二三朝野之論必謂吾輩復如行瑜所

為也俟還鎮當更為公論功耳罕之不悅復求小鎮養疾克用亦不許罕之辭辭十二月昭義節度使薛志勣卒旬日無帥罕之擅

引澤州兵入潞州據之以狀白克用克用怒遣人讓之罕之遂遣

其子降于朱全忠克用遣嗣昭將兵討之

自此克用不能與朱全忠爭邢洛磁而爭澤潞